

այլ լուծեամբ եւ համբերութեամբ տոնել յամենայնի մինչ ցաւարտումն դործոյն :

Հասին 'ի Կայսերանիստ քաղաքն Կոստանդինուպօլսեցի Պաղտատար եպիսկոպոս , Մատթէոս եւ Դիոնէսիոս վարդապետք՝ որպէս գրեցաք , բայց յամառնային եղանակի պատահեալ փնասակար օդոց 'ի ճանապարհի , անկան խօթ 'ի մահիճս . Պաղտատար եպիսկոպոս զկնի 17 աւուրց հանգեաւ 'ի Քրիստոս՝ կացեալ 'ի միաբանութեան ամս իբր 20 ամենայն հաւատարմութեամբ : Եւ յերուսաղէմ եղին 'ի տեղի նորա 'ի պաշտօն Լուսարարութեան զաշակերտ նորին զՍիմէոն վարդապետ հեզաբարոյ . այլ երկօքեան զտին զառողջութիւն , և Մատթէոս վարդապետ 'ի նոյն ամի դարձաւ յերուսաղէմ եւ Դիոնէսիոս ստիպմամբ ազգին մնաց 'ի մայրաքաղաք անդ , մինչ 'ի վախճան գործոյն , զի ինքն հմուտ էր ամենայն հանգամանաց Աթոռոյն և Ս . Տեղեաց :

Նիստ երկրորդ , (15 Օգոստոսի) :

Գնացին դարձեալ ըստ առաջնոյն երեսփոխանք երկուց կողմանց՝ եւ յանդիման եղեն Դատաւորաց . ընթերցաւ ատենագրութիւնն՝ և բաղդատեցին զհրովարտակս Յունաց ընդ արձանագրութեանց՝ և 'ի տեղիս ինչ գտաւ անհամաձայն , զի ձինս բառն դարձուցեալ էին 'ի Հապէչ : Ապա խնդրեցին 'ի Հայոց զհրովարտակս Սէլիմայ և որդւոյ նորա Սիւլէյմանայ , զի զնոսա եղեալ էին հիմն հաստատութեան , և նոքա մատուցին զօրինակս ինչ անվաւեր , և Ատեանն ոչ ընկալաւ զայնս . իբրեւ խնդրեցին Հայք հանել զայնս յարձանագրութեանց , սկսան խրոխտալ Յոյնք՝ թէ քաջ գիտեմք զի Հայք ոչ հրովարտակ ունին և ոչ արձանագրութիւն , առ որս ասացին՝ դուք պահէք զհրովարտակս ձեր աստ 'ի Կոստանդինուպօլիս , իսկ մերքն պահին յերուսաղէմ . ապա մատուցին զսլատձէն հրովարտակին գըրեալ 'ի թուին Հիճրէթի ՎՅԼ , զորոյ արձանագրութիւնն յառաջագոյն ջնջեալ իսկ էին Յոյնք , բայց տհաճութեամբ ընկալաւ ժողովն , զի իսկականսն խնդրէին , ըստ օրինակի Յունաց : Զօրացեալ Յունաց 'ի վերայ այսր՝ սկսան խիզախել եւ աղաղակել՝ լինել իրաւանց 'ի կողմն իւրեանց :